

八瓊室金石補正

八瓊室金石補正卷一百三

太倉陸增祥撰

男 繼輝校錄

吳興劉承幹覆校

宋 二十二

龍興寺鍾款

圓圖高大未詳款十行行字
不一字徑六七分正書陽文

大宋治平四年正月內龍興寺住持山主沙門法永捨
轉□利施衣鉢錢貳拾伍貫文足鑄造大洪鍾一口七
伯斤上報四恩三友勛立通聖衷迴報出利師資法
永生身父梁十三郎生身母黃二娘梁家三祖翁婆超

生淨土詳記乎下小師梁□梁新梁信法意梁祐佛因
佛依佛洽佛那莫表白早超生界

鬱林州匠人弟子楊僧注造弟子陳道別路

右鍾未詳所在疑在粵西拓本溼暈就所辨錄之
仞疑飲之誤迴疑迴之誤立通二字難解英卽英
字

含暉洞題刻六段

在道州

周子題名

高一尺二寸五分廣一尺五寸六
行行五字字徑一寸六分正書

周愔頤區□鄰陳廣蔣瓊歐陽麗治平四年三月六日

同遊道州含暉洞

岩在州南四里洞如屋東西兩門內有泉甚冽多唐
宋時題刻唐劉禹錫有記治平乙未周元公通判永
州歸展親墓□鄰人并其二子同游刻名厓石道州新志
案治平無乙未二年乙巳四年丁未此乙字當是丁
字之誤今州不載此刻云周愔頤同鄰人某某治平
四年三月六日同遊凡二十八字今磨滅與舊志所
載微異湖南通志

右刻二十八字未見案湯瑯志云治平乙未周元公
通判永州歸展親墓□鄰人并其二子同游刻名厓
石省志以治平無乙未當是丁未之誤今州志已刊

正其謬周子以二月一日歸里三月十三廻至澹崑
此云三月六日遊是崑爲時正合容再拓其殘字證
之金石
審

右刻瞿氏宗氏皆未之見近始搜搨之向來泐襲
之譌可以訂正矣鄰字乃區君之名而州志以爲
鄰人並加同字誤矣其所謂歸展親墓及二子同
游者見於澹崑題名殆因是而以意述之耳明錢
邦芑記述此較詳惟陳賡蔣瓊二人互倒區□鄰
亦作同鄰人爲不實也

王安中題名

高二尺八寸五分廣一尺七寸四
行行八字字徑三寸在正書左行

初寮先生自開元肇舟來遊子辟章壻趙奇門人周利
建實從戊申八月二十五日

永州府姜志載有初寮維舟石刻字列於哲宗時
省志因之宗滌樓脩府志謂在靖康年間據此刻
題年戊申則是建炎二年也哲宗朝不值戊申宗
氏辨正之是已維舟石刻今佚

趙彥愈等題名

高三尺一寸廣一尺二寸四行行
十字字徑二寸五分正書左行

趙彥愈文老吳煥伯成張公盛仲時呂行中舉叔王遺
直師古鄭猶夢可郭份仲質紹興丁丑人日來遊
右刻在初寮題名之右丁丑爲紹興廿七年

趙本一等題名

高二尺七寸廣一尺六寸五行
行九十字字徑二寸五分正書

趙本一宜言繼仲任嗣至林用之義冲遠章茂獻鄭虞
任馮熙已亥長至後二日同游含暉洞宜言幼子崇脩
侍行

已亥爲馮熙六年第一第二行行末中間有一遊
字當是別一刻而磨去者

劉飛卿等題名

高三尺一寸廣二尺二寸六
行行十字字徑三寸許分書

枯蒼劉飛卿丹邱蔡承卿豫章王尉佐趙南夫永嘉鮑
季實廬陵嚴舜舉臨川饒國英朱商舉九峯湯夢良以
紹熙甲寅秋載酒徠遊悄循東翰舊傳夢良題

史卽莧字蓋時屆重九也甲寅爲紹熙五年

錢寅翁等題記

高一尺三寸廣一尺七分六行
行八字字徑一寸五分分書

景定壬戌閏月三日清源錢寅翁臨川李巖伯衡陽羅
夢文來訪瀟翁畱題物色劉賓客舊迹將凌薛亭以識
詞牧欽賢之思

右含暉洞題刻六段皆前人所未見周子題名雖
載志乘亦未目覩焉辛未九月權道州翟斗南

秉

樞大令爲予拓致之案蔣瓘江華人皇祐五年鄭

獬榜進士初寮先生者王安中之自號也安中字
履道中山陽曲人著有初寮集七十六卷及第調

瀛州司理參軍更大名縣簿歷著作郎祕書少監
除中書舍人轉御史中丞嘗論蔡京欺君僭上蠹
國害民數事遷翰林學士進承旨拜尙書右丞轉
左丞授慶遠軍節度兩河南北燕山府路宣撫使
知燕山府加檢校少保改少師因不能制郭藥師
求罷以上清寶錄宮使兼侍讀召還靖康初論罷
爲觀文殿大學士提舉嵩山崇福宮連謫單州團
練副使象州安置高宗卽位內徙道州紹興初復
左中大夫此題名正其徙道州時也湖南省府志
載王履道知道州以字爲名且列於元祐年誤矣

開元者觀名也在道州西南二里許其子辟章嘗知泉州周利建元公父也官太學博士白石洞有其題名前此兩年今未得拓本呂行中東平人零陵令澹常有其題記郭份見職官志新淦人湖南轉運司幹辦公事擢通判常德軍見朱子所撰墓志永州志官表紹興閒有郭汾新淦人任道州教授汾疑卽份之誤又志春陵進士題名記碑紹興廿七年十一月立郡教授廬陵郭汾撰汾疑亦份字之誤趙彥愈吳焯張公盛王遺直鄭猶疑皆當時職官而志不一見義沖遠名太初道州人淳熙

五年姚穎榜進士歷知高瓊二州周益公楊誠齋
朱子趙端明皆與之游著有冰壺詩十卷易注五
卷文集十卷志載鼓角樓記碑爲太初所撰今已
不存薛亭名不見於志含暉洞闢於唐薛景晦劉
禹錫爲文以記之是薛亭爲景晦所建劉賓客指
禹錫也景晦長慶閒道州刺史禹錫終於太子賓
客餘俟再攷

寒亭題刻十九段

在江華

沈紳詩

方一尺四寸詩五行行十字款三行
行十字九字字徑寸俱分書左行

元子始此來大暑生凍骨名亭陽崖角高文猶仿佛我

行冰雪天噤語揖風物銀江走碧漲九疑抱雲窟它年
名不磨至者戒无忽

沈紳公儀治平四年十月甲子作詩于寒亭山壁
晉陵蔣穎叔同遊

右沈紳詩亦仲維所拓寄江華新志失採

黃潛記

高一尺七寸廣二尺十一
行行九字字徑寸餘正書

寒亭始於唐瞿令問而元次山命名其記刻存諸石
壁備矣舊亭棧木朽橈至者危之元豐三率僧契宗請
完之主簿趙世卿緣崖發石易穴路得逕以登于層巔
取廢材作二亭曰清勝摩雲由是遠極物象一新舊觀

美 上復脩合宮大禮之月令黃潛記

右黃潛記前人未見末題復脩合宮大禮之月案
神宗本紀是年九月辛巳大饗明堂禮成蓋九月
也黃潛爲江華令見通志職官永志云元豐三年
任與此正合邑簿趙世卿則志所未載清勝亭見
永志宮室而不詳其建置之始摩雲亭失載皆可
據此補之此刻後有壁字嘯字較小亦非近代所
刻恐是爲人磨去者

程述題名

高一尺五寸廣一尺七寸五分五行行九
字字二寸分書跋六行行十二字字徑

六分
正書

蓬澤程述以職事行江華登寒亭窺煥谷盡得山水之勝縣令南陽安珪尉伊川程蓋同游紹興乙亥歲十月廿六日

府判朝議程公按行下邑因暇率令尉同遊寒亭登覽臨眺無不適意

公親筆留題以紀歲月鐫刻於石傳之不朽江華縣令安珪謹跋并立石

清虛老人題名

高一尺八寸廣六寸五分二行
行八字字徑二寸正書左行

清虛老人常來乾道丁亥七夕男蔣篋書

右刻在杜子是重游題記之左丁亥爲乾道三年

胡華公等題名

高一尺九寸五分廣一尺一寸四分
分五行行十一字字徑寸餘行書

長樂胡華公邦實行縣之暇拉陳邦慶世榮周匹休公
美顏敏修子進王翰德任郭武仲元德同遊獅子巖飯
罷如寒亭乾道戊子下元前三日

右行書五行在江華縣暖谷之北厓其右爲明楊實

題刻寶慶府志孝宗時有知邵州胡華無公字恐卽

此人

金石
審

趙師俠題名

高三寸四分廣六寸六分行行四字字徑
七八分正書在程述題名跋語之上方

郡丞坦菴趙師俠同邑簿舒俊卿瀉熙戊申六月十三

日來游

寒巖銘

高一尺四寸五分廣二尺銘六行行八字字徑一寸三分款二行行九字字徑一寸俱分

書跋六行行十三字
四字字徑七寸正書

寒巖水石怪特殊異下臨銀江上接雲際公儀顥未志
樂巖谷詣而得之賞愛不足爲近寒亭寒岳是名何以
表之顥未作銘

治平丁未十月陪沈紳公儀遊蔣之奇顥叔作

右銘□刊于寒亭之上年深字淺幾不可讀旣新

泉亭得沒字碑於岳左意昔爲斯銘設也乃徙刻

之且以彰二公愛賞之志云後治平一百二十有

四載邑尉西隆虞從龍俾邑人李挺祖

下

寒巖銘諸志所不及近新獲此刻欣未曾有虞令官表失載所謂後治平百二十四年乃光宗紹熙元年庚戌也分書當是穎未舊迹虞令特重刊之耳

金石審

右寒巖銘在江華寒巖在縣南三里寒亭下通志失載永志載此多脫誤款內穎叔下脫作字跋內淺誤作泯岳左誤作亭左斯銘誤作新銘二公二字誤作予愛下脫賞字載誤作年尉誤作令且以補入職官表近江華新志亦仍其誤審之不細舛錯相沿所亟宜改正者也俾誤作刊邑人一行全缺意李挺祖重書而刊之宗氏以爲穎未舊迹殆

非跋語正書六行亦非行書五行江華新志錄入

山川內多沿宗氏之誤右銘下闕字永志作元

李大光詩

高一尺一寸廣一尺五寸十行
行九字字徑一寸一分行書

嘉泰癸亥夏陪縣尹雙湖唐仲謀飲寒亭省齋李大

光中山父

棧閣橫空杳靄間登臨酒罷怯憑欄露零萬瓦交光渥
月挂千峯倒影寒谷煦如春居亦易亭涼宜夏到乎難
垂簷星斗方爭席好向天門刷羽翰

右李大光詩近劉彥臣大令修輯邑志頗搜石刻

而此詩仍復失訪庚午夏仲維拓以見諸函錄以

莊元戊詩

亭當六月猶冰□谷到三冬似燄吹會得漫郎題品意
愛它冷暖不隨時嘉熙戊戌初伏清源莊元戊題

右莊元戊詩志亦失訪元戊無考戊戌爲嘉熙二

年冰下似是浸字

杜子是題記

高一尺二寸廣一尺三寸十行行十一字字徑寸許正書

山巔木棧自元豐間趙公世卿泐崖發石易穴路得徑以通及嘉熙己亥熊公桂伐石以成梯級然功尙欠缺吾父子既新寒亭自馬石穴磴以下礙者夷之隘者廣之險者安之乃以石爲柱以竹爲闌雖八九十老翁亦得手拊而上是徑也誠唐文之三變歟清祐癸卯秋正定杜子是書

右杜子是題記子是杜汪之子見杜汪丙午題名趙世卿見前熊桂當亦是官於江華者而省府志

不見其名寒亭棧道之荆置與夫後來之脩葺志
無一言及之讀此記可得其大略矣

徐銓孫杜汪詩

高二尺五寸六分廣一尺六寸一分上截詩草書七行行六字七字後分

詩一行下截分書三行九字字徑一寸二分詩共草書八行行八字七字刊石五字篆書

山水因人勝窮搜喜得君石根瞿令字亭背次山文湍

激堪臨渴松陰可避暍相望餘一舍猛□杖□雲

以上草書

上勦□徐銓孫衡石汎沆

以上刻上截

湘闕九疑寄題江華

杜□杳重建寒亭渚祐癸卯良月中泮

以上刻下截以上分書

□韵呈

徐□勦□□□杜汪

規廣前敗跡相期幸有君按奇尋佳句紀實待高文古
木風長悄陰崖日易曛何時陪賸賞舉手上霄雲

桂水朱堅刊

此行篆書在詩下

右徐銓孫杜汪詩刻前人未見卯書作卯誤取古
賢字杜汪名不見官志徐銓孫亦無考癸卯爲清
祐三年夏月十月也

小飛來亭楊長孺詩

高二尺一寸八分廣一尺四寸七分前九行行十五字字徑一

寸二分後二行行世一字字徑七分俱正書

江華縣前寒亭暖谷聞其絕勝棧道朽腐欲登弗果
徘徊其下水石崖樹清奇可喜甚似天竺靈隱之間

有亭未名予以小飛來扁之併賦二詩

廬陵楊長孺伯子

陰森古木石心栽清澈寒溪鏡面開斗起孤峯三百尺
從今喚作小飛來

拔地齊天可上不倚嵒危棧半空浮偶然憶得垂堂戒
前猛還成新櫺休

東山楊先生昔爲郡丞行縣臨流賦詩越四十載顓
□丞于此訪諸刻未之見因冰壺孫李焯錄示輒命
工勒于

先生小飛來字之左瀋祐癸卯同里周顓謹書

右小飛來亭詩楊長孺作歷四十年周顗書而刻
諸石我當是栽字省府志均失訪小飛來亭亦不
見於永志建置通志職官甯宗朝楊長孺吉水人
零陵主簿見鶴林玉露與此言郡丞者不符豈先
爲邑簿後爲郡丞而遺其後官邪永志於慶元時
載其爲零陵丞不載其爲簿又於嘉泰時載其爲
道州通判彼此均不相合周顗姓名省府志亦失
載皆可據此補正之冰壺孫李焯見奇猷巖銘長
孺楊萬里之長子也顗下所缺似復字明李邦燮
遊寒亭記云歷仄徑有大石向人欲壑前人題云

小飛來以擬靈隱之飛來峰此卽楊長孺所題者
惜未得其額拓

杜汪集杜工部句

高一尺二寸五分廣七寸八分
六行行十字字徑寸許行書

集杜工部句詠寒亭

湘南清絕地長夏熱爲情六月風日冷炎天冰雪生蓬
萊如可到心迹喜雙清去郭軒楹敞幽居不用名

甲辰夏杜汪題

杜子是集元刺史句

高二尺一寸廣一尺五寸七分
七行行十四字字徑一寸三四

分行
書

集元刺史句詠寒亭 杜子是題

長山繞井邑，天外青煙雲。無近遠，水石何幽清。半崖盤石徑，如見小蓬瀛。時節方大暑，忽若秋氣生。高亭臨極巔，登高宜新晴。俗士誰能來，野客熙清陰。漫歌無人聽，有酒共我傾。時復一回望，心月出四溟。

此刻不見年月，當是隨侍其父而同詠者。瀛字中從貝，俗誤書仿山谷而不逮，遠甚。永志名勝載此作云：宋人杜子美詩誤矣。登高作登陟，亦異。

杜子是重游題名

高二尺六寸廣八寸一分三行行十字字徑二寸正書

金華杜子是自淳祐癸卯至乙巳之秋，方了寒亭公案。於是九日拉譚森重游。

杜汪東歸題記

高二尺一寸廣一尺三寸六行
行十三字字徑一寸三分正書

元公以寶應癸卯刺道州永泰丙午巡江華爲寒

石泐
空二

亭作記杜汪以清祐癸卯復舊亭

石泐空
一字

而益新景

丙午春杪畢工時與事相符如此考滿東歸泊舟于太平橋下登亭酌別援筆以書子是子恭全侍

右刻正書六行杜汪姓名官表失載不知其爲守爲

令闕以俟攷

金石
審

右杜汪題記永志筆作筆太平橋卽道州雲龍橋在泮宮左跨濂營二水之上宋建石梁列屋以覆之

趙必淵題名

一行上四小字雙行下九字字徑一寸正書刻程逃題名之前

成高龍潭趙必淵濂伯曾游

余槐題名

橫列十四字字徑寸許正書刻程逃題名之上

咸西詔月番易

若溪余槐隨侍曾游

更寒二字

高一尺二寸廣三尺字徑尺許正書

更寒

右更寒二字無年月亦不知何人所書左旁隱約有字不可辨識

右寒亭題刻十九段在江華均湖南通志所失載永志亦僅錄胡華公一刻耳胡華公有萬石山題

名云丞郡瀟陽此刻云行縣之暇蓋道州司馬也
省府志均失載陳邦慶時爲江華令以乾道四年
任周匹休等四人疑皆邑僚而志均不見其名趙
必偶當是宋之宗室咸酉當是咸淳九年癸酉詔
月未詳餘見陽華巖諸跋

暖谷題刻五段

在江華

蔣祺詩

高二寸九寸廣二尺共廿四行行字大小不一均正書

暖谷詩

并序

延陵林詠書

此五字較大

太常博士知周事蔣祺

夫古之人不偶於時則肆意於山水間以至放言遣口

往々皆見其志元次山有之矣及其忘也幾百年所存者惟寒亭云來者以其有磨崖之誌可驗餘莫能知之丁未治平之孟春邑尉成紀李君到官始踰月登亭西相上石得岳穴命斲之前得地方丈又剏之後得周環數尺至於跂行燕坐者不知可幾人規維相通皆可愛者雖戶外峭寒其中莫能知燥如也岳成李君請余名余命之曰暖谷遂作詩云爾

縣南山水秀且清天地坯冶陶精英有唐刺史昔行縣訪尋洞穴爲寒亭屈指于今幾百祀磨崖字字何縱橫相隨棧道倚空險來者無不毛骨驚我此三載迷簿領

有時一到□餘情娛賓烹茗還回首孰知亭側藏品局

成紀同僚到官始居然心匠多經營乃知物理會有數

緊天通塞因人成鳩工畚棊忽累日曠然踈達開光明

初疑二帝鑿混沌虛空之□原空二格羅日星又若巨靈擘

華嶽溪谷之響轟雷霆大岳既闢小岳出壺中之景真

其□洞門春風刮人面其中安若溫如蒸累垂石乳似

刻削周環峭壁無欹傾舊梯既去小人險新徑之易君

子平臨流又廣□方丈疊石締宇爲軒楹于嗟土石□

□□無情一旦逢時榮方今出震□大器鼎新基

構清寒瀛我願天下無凍餒有如此穴安生靈不煩吹

律而後暖千古宜以此爲名

又成五言律詩三

首

陵谷有時變茲岳不可湮神仙三島景天地一爐春鼓
動龍蛇墊䟽通草木新寒亭幾百載今始得良鄰
地勝難堙沒規爲假手通鑿開千古意傾出一壺空煦
比斂人室寒消朔吹風從今縣圖上此景浩無窮
客有林泉趣尋幽剪薜蘿半山無石礙此境得春多隔
岸桃花塢臨溪竹箭波茲應是仙隱鶴馭幾時過

琪治平間邑令詩見江華縣鄭志案蔣琪疑卽前蔣
之奇暖谷序所謂縣宰吾族叔祖其人也

湖南通志

右蔣祺暖谷詩省府志祺誤作琪職官內亦然此
刻無年月蓋與後暖谷銘同上石者序云丁未治
平之孟春詩云我此三載迷簿領是蔣祺以治平
二年爲江華令也序又云邑尉成紀李君到官李
君卽伯英也與道州新志所述相符而省府志職
官均以爲邑令不言其爲尉恐誤豈後來遷轉因
遺其前之曾爲尉邪通志山川永志名勝載此詩
不及序文并遺五律前二首餘亦多異縣南之縣
作邑精英作精靈訪尋作訪得爲寒亭之爲通志
作名永志作有百祀作百載毛骨作毛髮我此作

我來簿領作簿牘一到下志作渴審之其字左旁
從女決非渴字若作茶通塞誤作通寒永志改作
天溫黍谷殊謬巨靈誤作希夷溪谷誤作暖谷小
岳誤作子巖壺中誤作巖中眞其作竒且其下一
字下半從心亦非冥字洞門作門外安若通志作
安處似刻削作如刻削之易作知易又廣口方丈
作地廣又方丈疊石締宇作壘石經宇于嗟作嗟
吁土石下作仙山古審之弟一字似來字餘不可
辨而確非仙山古三字出震下作成字審之亦不
似也此穴作此谷生靈作生民不煩作不須後暖

通志作律暖此境作此景茲應作茲因仙隱作山
隱要皆以石刻爲正及其忘也借忘爲亡古字通
用棧道上一字不甚似隨姑從志偏注於旁

蔣之奇銘

高二尺五寸五分廣一尺七寸五分十三
行行廿字第四行多一字字徑一寸另年

月一行
正書

暖谷銘

并序

郴州進士李宏書

此七字
較大

蔣之奇頌示

永泰中元次山爲道州刺史嘗巡行至江華登縣南之
亭愛其水石之勝當暑而寒遂命之曰寒亭而爲之作
記刻石在焉治平四季十月余陪 沈公儀至其上見

其傍有暖谷者方盛寒入之而其氣溫然雖挾續熾炭
不若也予甚愛之問其所以得之者本邑尉李伯英也
問其所以名之者縣宰吾族叔祺也噫是可銘也已乃
爲名曰

維時有寒、不在夏、而寒者茲亭之下維氣有暖暖
不在冬、而暖者茲谷之中物理之常人_{不以異}維其
反之是以爲貴茲亭茲谷寒暑相配寥々千季始遇其
對名自天得待人而彰我勒此銘萬古不忘

治平丁未十月十七日刻

此行字較小

暖谷在江華縣南五里寒亭之側宋邑尉成紀李伯

英始得其處治平中蔣之奇沈公儀有銘有詩雖盛

寒入谷其氣溫然

道州新志

案蔣之奇宋史有傳据傳英宗擢監察御史神宗立轉殿中侍御史貶監道州酒稅後元祐初以天章閣待制知潭州此治平四年正其官御史時不知何以

至永州也

湖南通志

右蔣之奇暖谷銘瞿氏宗氏皆未之見而通志山川永志名勝皆載此文江華上無至字記上無作字公儀上無沈字傍作旁上無其字其氣溫然作氣溫如三字挾上無雖字愛之下少二句祺誤作

祖下無也噫二字乃上無已字人不以異作不以爲異茲谷一作竝谷一作并谷寥々千季始遇其對作寒暑千秋陰陽反異此銘之銘永志作名恐皆沿舊志之訛要當以石刻爲正書人李宏自署郴州進士而通志選舉失載 以上二種疑後人重刻或與寒巖銘同時未可知也

游何空翠亭題勝

高一尺九寸廣二尺九寸三字橫列字長在一尺五分篆書前後款

各一行各五字字徑一寸二分分書

何空翠亭

京北游何書 曹南董堦立

迤西有洞呀然爲宋尉成紀李伯英所開暖谷復由

石鑄微逕而上地可十笏厓旁篆文曰空翠亭乃紹

興中邑令曹南董嶠所建

李邦燮游寒亭記

右空翠亭三篆字在江華南五里蔣家山董嶠時
爲江華令通志職官作董炳永志作董煬云紹興
十一年任縣志作嶠得此刻知縣志爲得實省府
志均誤也李邦燮作山旁嶠亦誤亭爲董嶠所建
永志見於名勝而宮室內失載皆當校補石刻無
年月永志於董嶠之後列劉思永云十五年任則
董塢於十五年去任此刻當列於去任之前篆爲
游何所書游何陽華岩詩作於紹興乙丑秋仲此

三字亦必其時所書系紹興十五年八月之末游
何涪溪陽華岩題名里貫稱湔川湔上此刻稱京
兆蓋居京兆湔水之間也

李長庚空翠亭詩

高一尺一寸五分廣九寸五分六
行行七字字徑一寸八分正書

亭倚晴空翠作堆

峯巒竒絕盡屏開

凭欄眼力不知遠

厯厯水穿幽樹來

登空翠亭

冰壺李長庚

右李長庚詩庚午夏仲維拓寄江華新志失採案
李長庚字子西甯遠人徙居江華紹興廿四年張
孝祥榜進士初官通判乾道間知賀州富川縣事
與楊誠齋謝良齋爲友蓄書數千卷名其齋曰冰

壺時稱冰壺先生所著有冰壺文集此詩志所不載長庚和江朝議詩在陽華岩時值乾道六年此詩或亦當時所題

杜汪集工部句

高一尺四寸四分廣七寸五分四行行入字字徑一寸二三分正書

集工部句題暖谷

作尉窮谷僻官高何足論溫溫有風味憶昔李公存

杜汪

右杜汪詩刻無年月以其寒亭詩證之蓋同時所作時爲清祐四年甲辰也杜汪又有寒亭題名宗氏跋云官表失載不知其爲守爲令讀此詩知其

爲邑尉矣可補入官志此刻前人未見

拙翁巖題榜

高二尺六寸五分廣八寸直榜三字字徑六寸許正書在桂陽州

拙翁崑

拙翁崑在州東鹿頭山脊宋孫頥嘗遊此以拙翁自

號刻銘其上頥英宗時知桂陽監

桂陽州志

案頥字景脩長沙人劉摯忠肅集有和其闕鹿頭山

詩

湖南通志

右刻在桂陽州東三里鹿峰山州人僻陋絕不知所謂石墨者甲戌夏函致州牧乞爲訪搨越三月

餘以此寄貽謂銘詞漫滅僅存拙翁崑三字仍各
拓一紙并据志錄寄銘詞五十六字伸紙視之乃
施墨於石以紙印之字皆反文是蠟蠟法且不知
安望其括苔剔蘚使八百餘年之古蹟復顯於今
茲乎審讀之銘四行行十四字徑寸許辨得人皆
營則人方滾滾且平壘時暇此局用刻此十八字
前有序六行行十三字辨得閒得石鹿乃爲此銘
八字年月姓氏不可得見恐銘後尙有一行也因
先錄題榜而詳識之以俟續補志載銘詞云人皆
營營我心則甯人方攘攘石刻作我靜則石刻作平

疏拙之性自知甚明假符偏壘耦時晏清屋

疑當作屋

多暇日愛此深局登臨眺望感會襟靈蒼巖磨礪

用刻此銘

祠部郎中趙宗道妻崔氏墓誌

方二尺八寸五分世五行行世六字
字徑五六分正書在洛陽存古閣

宋故安平縣君崔氏夫人□□銘并序

朝奉郎尚書都官貲外郎通判濠州軍州兼管內勸
農事騎都尉賜緋魚袋張吉甫撰

將仕郎試秘書省校書郎新授權陝州觀察推官張
曜書并篆蓋

崔姓甲出山東始分清河博陵之族清河之崔有休仕
元魏爲七兵尙書又與其弟寅別爲大房大房之崔最
盛傳其世譜繼承衣冠間有顯人迄今不絕休下十三
世至左拾遺周度□晉末從事兗州慕容彥超幕彥超
反以忠言抗死周贈秘書少監少監生左班殿直贈兵
部侍郎汝礪兵部生工部侍郎致仕贈禮部尙書立尙
書娶職方員外郎冉宗閔女曰仁壽郡君是生夫人尙
書於時有清德重名 夫人稟厚承慶聰敏靜嚴之
性見於幼成于長持終身而不遷始與諸女戲已有常
節逮能志于女事皆不待教而工問則習筆札喜讀書

史數過成誦不復遺忘事親孝而有禮雖室廬必整衣
歛容不妄語笑年二十歸于今 集賢校理祠部郎

中趙君宗道

夫人卽移事父之孝禮事其

舅

司空公先是

皇姑卽世累年

司空常患內事

無主一日召

夫人於庭告之故條家事付主之

夫人謝且避諸姒辭不獲命退而劬心執勤一承授
託之意奉上以恭睦下以順惠撫幼稚均逮賤微梱內
二百口咸得其歡心 司空喜以 夫人賢行談

于姻黨傳慕爲法則及從夫官于外治家政益謹事
大小皆手自記疏畫爲規程又以身率之外有林亭遊

觀之勝或彌歲不一駕往

祠部更爲藩守呀至治

號第一亦自謂中助之多其於子若婦與孫無過憐無
偏愛言必戒其爲善有過勵責不少假借是以顧之喜
不敢有驕色立語終日不敢情容御婢使輩外嚴內恕
未嘗過行笞呵吉甫先夫人嘗言我省姊留其家逾月
訖不聞有一大聲何上下之肅也歲時祭祀皆親臨滌
除品物務致豐絜不厯手不以薦內外甥姪孤無依者
悉收育教誨畢其媼嫁在 京師第時遇冰雪互寒
卽遣視近居老疾幼獨之人賙濟全生者甚眾平居好
佛書後得圓覺經觀之歎曰使我早研悟此理當終老

於家孰能有行重結緣索自是思略世事滅微饌具戒
殺生却文繡不御蓋 夫人常謂妄索不若約已平
生不取一毫於人茲其素有志尙已 祠部始通籍

外庭用

郊祀恩封

夫人安平縣君後繇

季妹安國夫人之貴得

賜命笄朝服治平三年冬

十月十有三日終于保平之府居當病且革家人在傍
無一語及後事凝神順化目瞑不亂人以是知 夫

人於圓覺之旨得之心者多矣春秋六十有九子男四
人隨將作監主簿早卒鼎太子中舍咸大理寺丞濟著
作佐郎女三人長適毛田貢外郎張仲松次適比部貢

外郎呂昌暉次適贊善大夫張德源諸孫二十四人熙
甯二年冬十一月癸酉葬于伊闕 皇舅姑兆次前

期 祠部洎咸皆錄

夫人之懿行授吉甫曰子於諸甥知姨之事詳宜銘其
葬謹爲銘曰

孰謂女德 體陰法坤 惟從是專 不考詩史

稱淋於家 婦助乃賢 爲母能教 義各有宜

故詠而傳 猗嗟夫人 總萃在躬 美旣具焉

夫顯受封 子仕孫令 壽亦有年 生無不如

葬有備禮 又福之全 勒文垂休 豈止斯石

閔永藏堅

臣如漢向

帝如唐文

或屏或編

請持銘章

往告執事

聲光誰先

右趙宗道妻崔氏誌在洛陽存古閣攷宋史趙賀傳云子宗道終集賢校理與誌所述者合誌所稱司空公者卽賀也史敘賀官秩云補臨朐縣簿改大理評事旋以太子中舍安撫京東改殿中丞歷明宿二州通判徙知漢州召權三司戶部度支判官出爲京東西兩路運副益州路轉運使尋糾察在京刑獄遷工部郎中提舉諸司庫務爲江淮制置發運使遷給事中判宗正寺知壽州而不言其

爲司空蓋歿後所贈之官史所未詳見於宗道誌
中又誌云繇季妹安國夫人之貴得賜命笄朝服
案韓魏公撰宗道誌有以友婿之分一語是安國
夫人疑卽魏公之夫人也至夫人之子有曰鼎太
子中舍者則非高宗時爲相之趙鼎也誌敘夫人
先世有云清河之崔有休仕元魏爲七兵尙書又
與其弟寅判爲大房攷新唐書宰相世系表崔氏
清河大房後魏贈清河太守宗伯生休寅休號大
房休字惠盛後魏殿中尙書文貞侯子陵字長孺
北齊七兵尙書清河小房寅字敬禮後魏太子舍

人樂安郡守據表則爲七兵尙書者乃陵而非休
乃齊而非魏也與誌不符其爲表之誤與張吉甫
所據崔氏世譜之誤俱未可知夫人之父爲崔立
亦見宗道誌中立字本之開封鄆陵人誌云工部
侍郎致仕與史傳合其贈禮部尙書則傳所漏載
也傳云祖周度仕周爲泰甯軍節度判官慕容彥
超叛責以大義見殺與誌所云以忠言抗死者亦
合惟誌不言其爲判官傳不言其贈少監耳

潘尊師碑側題名五段

在登封

兩側高二尺八寸廣八寸八
分行字詳各條下均正書

魯鄰右獻可題名

三行行六七字字徑寸五分左行

熙甯辛亥孟夏初十日魯鄰右獻可同遊

樓試可等題名

四行字徑一寸五分又紀年一行字徑六行左行

樓試

缺

范邦

缺

宗仲

缺

同遊

元符

缺

此係元符庚辰九月十九日所題下方失拓

資政殿學士等題名

五行行字不一字徑一寸二分

資政殿學士

缺

薛慥徐金

唐

言

□

□

□

□李□丁昇□馮□□

政和元年二月廿七日□□

男雍侍行

滎陽張□周等題名

二行行字不一字徑一寸二分左行

滎陽張□周羽人趙守素游政和癸巳六月十三日子

棟侍行

殘題名

四行行四字字徑一寸五分左行

缺

□□□□

□□□□

□□□□

繼□□□

天游

是碑碑陰尙有題名十餘段續得再補

同州聖教碑陰題名

萃編載卷一百三十七

張景脩等題名

崇甯元年二月廿三日

僕

作脩作僕

張智周等題名

政和元年十月十五日

汝陽

汝誤

暨尹卿等題名

宣和三年清明後二日

石卿

石誤右

尙書祠部郎中趙宗道墓誌

高二尺七寸五分廣二尺九寸四十七行行四十六字字徑五分正書在洛陽存古閣

宋故朝奉郎守尙書祠部郎中充集賢校理致仕柱國

賜緋魚袋趙君墓誌銘

并序

淮南節度使開府儀同三司守司徒檢校太師兼侍
中判大名府兼北京留守司事大名府路安撫使上
柱國開國公韓琦撰

翰林學士朝散大夫尙書工部侍郎知制誥兼侍

讀權知開封府兼畿內勸農使柱國賜紫金魚袋
元絳篆蓋

龍圖閣直學士朝散大夫給事中知河南府兼西京
留守司事畿內監收勸農使上護軍賜紫金魚袋李
中師書

熙甯四年夏六月 趙君子淵自管勾西京留司御
史臺引年得謝退處于脩善坊之私第未幾病且踰月
度必不起遽取筆自書命其子咸以誌文屬余七月二
十九日果卒咸亟遣人持其所書號訴來請余泣而視
之知子淵所以屬余者以友壻之分又悉其生平操守

施設使書其實足信于後世此其可辭子淵諱宗道開
封封邱人 給事中贈司空賀之子 贈左衛上

將軍正德之孫

贈左屯衛將軍璫之曾孫司空在

仁宗朝更任顯要爲時名臣子淵幼警拔自立力

學能文屢舉進士不利始從父任補將作監主簿監舒
州鹽酒稅□□稻田務執政薦其才 召試學士院

得館閣校勘改集賢校理累遷大理寺丞主宗正寺簿
通判河陽以太子中允同判登聞鼓院丁司空憂服除
同知太常禮院出知宣州改太常丞子淵爲政知所先
後下車首興學校招廣生貢起市槁屋取資以充其用

又選良師以誨勸之人人樂於爲善宣民素尙巫鬼病者不鑒以事祈禳子淵爲擇方書之驗者刻石示之復出公帑繕爲藥劑以時拯救民脫橫夭因變其俗淫邑豪劉氏毆人死厚用賂冀以死者緣它疾獲免子淵察其姦卒寘于法吏受賂者悉黥竄之一郡肅然歲滿得郭輔之者來代始輔之以所迂兵舟不如意及至郡會子淵居式假不能出遂大忿恚子淵去搜剔疵累窮極纖悉無所得因摭疑似之事緣飾以聞子淵不堪其誣卽奏辨之

朝廷爲置司推究事盡白猶以奏牘中一二語差在律以身事訴止坐杖法官深文以詐

不實論棄一官落職既而御史中丞魚公周詢極陳其
寃得復中允監亳州酒稅物論猶不平繼得今太子少
師趙公槩暨兩禁臺憲官十數人交章薦雪始還官與
職知宗正丞事兼判登聞鼓院知濱州會河決六塔郡
界有遙隄監司欲決以醜其流子淵執不可雖替之愈
急愈不棄民賴以全又立保法檢制姦盜比戶以安代
歸爲群牧判官遷太常博士權開封府推官嘉祐四年
京西大饑轉運使請擇列郡守以濟災饑子淵被選知
潁州子淵於救荒之術素以經慮賑給存勞無所不至
寇盜屏息流庸以復俄權三司戶部判官出知晉州時

營奉

永昭方中諸郡皆嚴期賦民物價翔而費益倍子淵獨取帑中物官自營致使民徐償之境內寂然無所擾民既飽其德惠相率走闕下請留朝

廷知其能就徙陝州晉人號呼遮道子淵不得前爲駐留彌日得間道馳去陝素以土厚水脉深不爲井唯引棗山泉貫城中以資眾用歲雨數壞隄渠絕流則民汲于永定澗既遠且勞子淵曰今邊州巖堡往往皆井此平地反不可邪亟選匠者相廬巷便民之所浚三十井皆未數仞得美泉民歌喜之謂足與甘棠同永其思也子淵自博士四遷尙書祠部郎中知蔡州郡城北直門

東西有二橋跨汝水上岸高峻非得巨材不能立立數
歲輒壞每一易費民貲幾萬緡俚諺目爲害民橋子淵
卹其久弊思力去之募工取確山石先易其東者眾論
囂然難之子淵一不聽至聞于 朝者 詔問狀

子淵別白利害保于必成

朝廷從之已而橋成患

絕爲利無窮子淵自年及縱心日思退去會秩滿懇求
西臺旣得請須期歲餘新第完美日談笑其間無復以
軒冕爲意未踰時卽還 君事方且放懷林泉以造

羲皇之域而天嗇遐福遽奪之年悲夫子淵性方重不
妄進止外巖巖若不可犯而內極樂易卽之益溫與人

交篤于風誼澹薄寡欲至老無聲色之惑爲政詳敏得其綱要當事剴訟挈它人雖勞精竭慮不能判者子淵視若間暇處之無不中理善筆札長于詩弈公退必引賓屬以此爲樂其它不好也慶祿中杜正獻公范文正公與諸賢以忠義並進天子方虛心仰成諸公亦

銳于爲報而俱知子淵之才未及薦擢爲僥倖者所沮相繼罷去子淵義之所激時上書開陳得失當塗者聞而惡之故輔之因得希台奇中事雖獲辨而淹回者十年不得乘時奮其所長子淵亦明於義命居常泰然未嘗少動其心也事二親孝執喪過毀幾不能生同宗五

世族大愛周內外疎屬孤無依者必□鞠成人爲畢婚
嫁先塋在封邱地頗卑下會隣有塋者穿地未及尋而
泉已出子淵視之大驚曰近歲京師雨水多沮洳使然
吾親塋此豈得安邪於是專意改卜卒得地於伊闕之
府下村遂遷祖攷二世之喪以安厝之決謀居洛以便
子孫之奉前後奏疏論說時事多見採納如與 皇

族結親必取三代告身按驗以絕富民妄冒之弊經科
增對大義弛茶禁通商流外官不爲縣令編論政體書
資訓鑒之益皆自子淵設之子淵年七十三娶崔氏尙
書工部侍郎立之女封安平縣君事舅姑盡孝睦宗族

盡勤柔懿之行親黨稱之先子淵而亡五男長隨將作
監主簿次未名俱早世次鼎太子中舍知江陰軍江陰
縣次咸大理寺丞次濟太子中允權發遣淮南同提點
刑獄公事皆謹蹈門法以材自奮而咸向任三司編脩
令咸懇請宰邑河南以便親養子淵疾得朝夕省視奉
遺語幹後事罔不如素三女長適尙書屯田貲外郎張
仲松次適尙書比部貲外郎呂昌暉次適太子右贊善
大夫張德源以其年十一月四日諸子舉子淵之喪塋
于司空之兆次銘曰

夫惟有才

始可言命

吾蘊有餘

用焉弗罄

繫偶不偶

命也誰競

已或無有

奚取命證

噫嘻子淵

其才孰肩

畜不大發

匪命胡然

小施郡治

功疇與先

進平退勇

始終茂焉

伊洛之間

地環勝勢

旣安祖考

遂我素志

今茲卜宅

又從而竊

散櫝雖藏

令名不闕

刊者李稹

右趙宗道誌在洛陽存古閣宗道名史僅列於賀傳之末云終集賢校理而已韓魏公爲之撰銘必其平生操守施設實有可傳於世者史亦太略矣宗道娶崔立女崔氏別有誌銘崔立字本之開封

鄆陵人以右諫議大夫知耀州改知濠州遷給事中進工部侍郎致仕卒其贈司空史所未詳傳云立天性淳謹兼有識見能知人韓琦尙爲布衣以女妻之誌故有友壻之分之語誌云歲滿得郭輔之者來代攷輔之見宋史溪峒諸蠻傳又云御史中丞魚公周詢極陳其冤攷魚周詢雍邱人以右諫議大夫權御史中丞終知成德軍贈工部侍郎誌又有太子少師趙公槩云云攷趙槩字叔平南京虞城人熙甯初以老求去拜觀文殿學士知徐州久之加太子少師致仕贈太子太師諡康靖誌

敘宗道有五男崔氏誌云子男四人者未列早世之第二子耳鼎銜云知江陰軍江陰縣濟銜云權發遣淮南同提點刑獄公事皆彼誌所無蓋後來遷轉之官非有異也撰文者魏公其結銜有淮南節度使檢校太師之稱史所漏載篆蓋者元絳絳字厚之錢塘人其先臨川危氏易姓曰元其結銜所稱知制誥兼侍讀者史皆失載史稱工部郎中與誌言侍郎者亦不符書者李中師中師字君錫開封人其結銜所稱給事中者史亦失載

八瓊室金石補正卷一百三終

八瓊室金石補正卷一百四

太倉陸增祥撰

男 繼輝校錄

吳興劉承幹覆校

宋二十三

脾山悼園監護等題記

方二尺一寸十一行行十六
字字徑一寸正書在汝州

熙甯五年壬子歲春正月

詔舉秦王宮諸喪祔于臨汝脾山悼園之次以入內供奉王脩己爲監護又以入內供奉曹貽孫專治脾山之役自三月辛卯始事迄四月丁巳成功至五月壬寅遂

克襄事時祇役與執事者凡九人都巡檢供備使王懷
誼提轄從人管勾孀居內侍供奉張繼緒藍克甯墳園
供奉嚴雍梁魯巡檢侍禁高德誠按頓通殿直石繼瑄
夏天卞梁縣尉校書郎吳道箴書汝州判官殿中丞孫
純

住持淨因院主賜紫沙門淨宣立

中書省玉冊官王仲宣刻

提轄從人管勾孀居按頓通殿直皆宋史職官志
所略

耐葬陳國公監護等題記

方二尺十三行十七十八
字字徑七分正書在汝州

宋宗室陳國公以熙甯六年正月甲寅薨有

詔葬于汝州梁縣秦悼王墳之次及舉諸喪祔焉以

龍圖閣直學士諫議大夫孫固西作坊使入內副都知

王昭明爲監護以入內供奉梁佐衛尉寺丞簽書汝州

判官劉唐憲專董塋兆之役自三月庚午經始迄六月

壬午遂克葬時與執事者凡十三人提舉諸司入內供

奉李憲專管勾諸司入內殿頭蔣良臣都巡內殿崇班

劉允和管轄墳園供奉嚴雍梁魯縣巡檢供奉王翊按

頓供奉曹軫侍禁王士章冬官正楊茂先梁縣尉校書

郎吳道

翰林書藝馬士明書

玉冊官陳永宣刻

住持賜紫沙門淨宣立石

陳國公者秦悼王之孫潁川郡王德彝之子承錫也宋史廷美傳但稱供奉官不言公封據宗室世系表承錫有諡曰榮僖碑亦不言之翰林書藝宋史官志所不備其秩甚卑也大約如唐楷書書令史之類

泐溪李宗儀題名

高二尺廣一尺三寸五行行十字字
徑寸許正書四周飾以雲紋在樂昌

熙甯六年冬臘后二日提點刑獄南康李宗儀按部來

遊時招邑東李勃李巖兄弟同觀祖師石牀及陸羽題

名邑簿邢道卿從行

程師孟奉敕祠南海廟碑

高八尺廣四尺十七行行卅五字字徑一寸六分銜
名三行正書篆額三行題敕祠南海神記六字在南
海南海廟大門
東偏治平碑陰

勅祠南海廟記

清海軍節度推官承事郎試大理評事知英州浚
縣事權清遠縣事陳之方撰

熙寧皇帝以天久不雨天地百神暨名山大川罔不祇

恪惟南海神陰相一方爵號惟賔乃命守臣躬底致祠
時右諫議大夫程公分奠南服使人至止設案具禮
北面拜至再然後敢取勅與祠神之文伏讀三四又再
拜退而竊歎曰

皇帝有志憂民辭情懇惻顧惟斐薄敢不虔奉

上意以致祠于神乃命卜人端策揆辰前事之四日沐
浴齊戒前事之三日乘舟以往牲豐酒醇豆罍潔嚴
公冠履劔珮威儀甚偉僚吏濟濟屏息就次禮備登階
祝者宣辭

皇帝至誠洞達幽陰磬鼓遞作旄幡颯爽像塑堂堂若

醉若飽鳴呼惟天作辟以相民惟辟保民以應天

皇帝卽位于今七季應天相民宵旰側席煥陽風雨宜
協休應 公有德于民神實佑之

皇帝有禱將誠者 公神實歆之海隅之人以

皇帝愛憫元元之心欣歡鼓舞頌歌之聲萬口一譽之
方備數下邑驟聞盛事 公命紀歲月敢撫其實爲之
文又次之以詩其詩曰

湯湯南溟百州所賸有赫其靈有嚴其居神宅于幽誠
格者應其應維何

皇帝仁聖幢旒鼓鐃疇往祇祠揭揭 程公神之聽之

祀事之既神明歡喜飄馳龍翔一息萬里衍涸濡焦既
盈既優廟社億年血食均休

甲寅正月二十三日立石

終獻官供備庫副使廣南東路兵馬都監趙光
弼攝太祝南恩州軍事推官登仕郎試祕書省
校書郎管勾經略安撫使司文字蘇咸攝奉禮
登仕郎守大理寺丞簽書節度判官廳公事富
臨宣德郎守大理寺丞知番禺縣兼管勾南海
廟事黎獻臣

亞獻官提點廣南東路刑獄公事兼本路勸農提

舉河渠常平倉及管勾農田水利差役事朝奉郎
守尙書司封郎中上騎都尉賜緋魚袋借紫李宗
儀

朝散大夫右諫議大夫知廣州軍州事兼管內勸農
市舶使提舉銀銅場公事充廣南東路兵馬都鈐轄
兼本路經略安撫使護軍永安縣開國伯食邑九百
戶賜紫金魚袋程師孟

記撰於熙寧七年正月則神宗憂旱分命守臣精禱
不獨八月矣本紀闕載陳之方元豐八年點校試卷
官見宋史五行志

廣東通志
金石略

師孟以守臣主祭碑未敘銜不言初獻若亞獻終獻
官姓名記文既未敘入故特書於結銜之上亦一例
也

潛研堂
續跋

菲薄作斐

伏波巖題刻十段

在臨
桂

潘景純米黻題名

高一尺八寸廣一尺五寸題名二
行字徑三寸款二行字徑二寸行

書

潘景純

米黻

熙甯七年五月

晦同遊

宋史芾傳芾以宣仁后藩邸舊恩補滄光尉方信孺

畫象記言在桂得元章所作僧紹言詩序乃知嘗尉
臨桂此刻爲作尉時所題又志林載元章有陽朔山
圖以拜石人居岩壑至奇之地作宦佳處當無過於
此蔡肇志墓甚詳獨不及臨桂尉何邪

廣西通志

劉鉞等題名

宣和元年六月十六日
萃編載卷一百四十七

子宣

子誤

建炎二年屏風山周與道題名內有開封侯晉卿
署銜廉訪使者宣和六年蔡懌屏風山題名署銜
經略安撫又岩內七年題名同

公遠等題名

高一尺六寸廣一尺二寸五分四
行行六字字徑二寸三四分書

公遠公玉子真子斐脩卿仁卿少魏戊子六月二日泛舟來遊

按公玉姓宋子真子斐姓張見巖內他刻脩卿姓江少魏姓謝見龍隱岩孫師聖題名戊子爲乾道四年廣西通志失載

劉舜舉等題名

高二尺一寸廣九寸三行行字不一字徑二寸行書左行

劉舜舉張子容子直子安胡宗周同來庚寅三月中泮
按庚寅爲乾道六年子直子安胡宗周字刻完好廣
西金石略誤作子真子斐胡宗回豈揭本未顯耶

編續

胡宗回至桂在紹聖初距乾道七十餘年矣

桂林鹿鳴燕詩

高三尺八寸廣二尺七寸前二行行十二字字徑二寸詩四行行十六字

字徑二寸五分後四行行十八字不等並行書上石一行十三字字徑七分正書

淳熙元年秋九月桂林鹿鳴燕太守范成大賦詩

以勸駕云

維南吾國最多儒聳觀招、赴隴書竹實秋風辭穴鳳
桃花春浪脫淵魚月宮移種新栽桂江水朝宗舊鑿渠
況有龍頭坊井在明年應表第三閭

郡人曹鄴桂詩云我向月中收得種爲君移向故
園栽今年用故事種桂正夏進德二堂又復朝宗

渠水以符文章應舉之記趙觀文王世則兩人皆
魁天下今狀元坊存焉故拙句中悉及之

門生鄉貢進士周□□劉□上石

右范成大鹿鳴燕詩在臨桂伏波巖續編載此南
吾作吾南鄴作業種桂之種作移均誤成大事蹟
見史史載其知靜江時政蹟云廣西專藉鹽利因
漕臣盡取屬邑始有增價折配之弊成大入境奏
言利害莫大於此若裁抑漕司強取之數以寬郡
縣則科押可禁上從之茶馬司舊法高以四尺四
寸爲限一旦詔加四寸成大言自來互市四十年

不宜驟改是石湖非僅風雅好事以詩雄於世也
卽此一詩亦具見培植人材之意矣曹鄴唐人官
祠部嘗讀書於龍頭山下王世則以太平興國八
年魁天下湖南通志載爲長沙人與此不符

米芾象贊并記

高四尺廣一尺三寸下方記文廿行
行廿九三十字字徑五分許正書

襄陽米芾

得名能書

六朝翰墨

漁獵無餘

骨

與氣勁

妙逐神俱

風姿亦然

縱覽起予

四行在
像上方

行書字徑寸許右方有乾卦
圖璽左方有紹興御書二璽

先南宮

戲

自作此小像真跡今歸于

御府友仁書

此

在象右字徑
寸許行書

寶晉米公畫像記

寶晉米公世居太原後徙襄陽自公始定居潤州以

宣仁后恩補秘書省校書郎洽光尉□□入淮南幕改

宣德郎知雍邱縣□監中嶽廟授漣水軍使發運司勾

當公事□□撥發入爲奉常博士知常州不赴管勾洞

霄官知無爲軍復召爲書畫院博士擢禮部員外郎□

知淮陽軍瘁生于首謝事不許卒於官□□□年□月

葬丹徒長山下信孺頃過洽光訪公遺跡得北山養疾

篇及□□□石刻□□泊來桂林復得僧紹言詩序及

伏波巖與潘景純同游石刻□□公嘗尉臨桂秩滿霽

居西山資慶寺

頗與紹言遊故有此作其他蹤跡則缺

如也至於

序

中云書于桂林

堂今

亦失所在豈舊尉

治耶公作畫史

始

官桂林

而是時文章翰墨已

足高跨千古然蔡

天啓

誌公

墓書

洽光

不及

臨

桂豈所

謂名

者

臨桂

中耶

抑先

臨桂

後洽

光天啓

所書

偶略之耶公

之孫

公

遺文

如北

山養

疾篇

及紹言

詩序等作皆逸焉豈時

次偶未見

耶

公

公

碑皆書

熙

甯七季今去此且一百二十餘

載

其聲名

與天

壤相終始

於

先

游

桂林

者或未必知其

詳信孺

將

漕于

桂公

之曾孫

國秀

實爲靜江府

支

使藏公自作小像有小米題
子意其游山時衣冠

此伏波巖公題名之左且以

高宗御製碑本像贊 冠焉併 公卒 於下方

公舊游使來者尙可以想像其凌雲御風之高致

云嘉定八年八月旦朝奉郎廣南西路轉運判官莆田

方信孺記

校海岳遺事云米公自寫真世有數本一本服古衣冠曾入紹興內府有其子友仁審定贊跋卽此本也下層爲方信孺記芾尉臨桂僅見此記惜日就泯滅幾不可讀粵西文載本缺字尙少因附於後以便觀

覽廣西通志

漣漫多缺字据粵西文載補之高宗贊風姿亦然言
風姿如其翰墨也粵西金石略改作奕失其義矣金石

續編

方孚若詩

廣五尺六寸第一行高五尺二寸十字餘高二尺七寸九行行字不一字徑四寸許

草書

歸舟多載小江春重訪東巖舊屐痕
插水峭崖猶有路
垂天怪石本無根
金華仙伯真知己
薏苡將軍足斷魂
安得北山公可作
倩渠移取向家園
孚若

右刻無年月當附米像記後廣西通志缺前十字

拓未全也甲戌九月海琴寄贈云詩刻崑底仰天
爲沙淤者久矣首云歸舟疑在九年十二月去桂
之時云小江春則尤非冬令所作

曾宏正詩

高四尺廣七尺四寸十六行前詩七行行
八字後詩六行行七字字徑四寸許行書

還珠洞

僂指重來二十春
繫船猶記舊篙痕
飛鴻踏雪空留跡
隨水浮萍那有根
摸索交游半爲鬼
尋思往事黯消魂
天涯老泪空橫曉
只欲歸歟事灌園

次孚若韻

危亭倚巖隈
嘉名叶地識
時浮桂藉香
永絕戈甲侵
敗

柳裊煙絲枯荷立霜枋呼僮理吳榜月夕欲乘興

題癸水亭曾宏正

右刻無年月曾宏正以淳祐三年自湖南提刑調
廣西運使題詩當在其時廣西金石略失採

蕭桂林詩

在前刻空處正書

廬陵蕭桂林次前後二韻

此行在次字若韻四字之下字徑二寸餘

標柱征南不計春未應追感淚流痕岩虛生白□心地
波狀澄清肅耳根壯士於斯留顓跡大夫非此賦招魂
江山今古人何在戰馬嘶風憶故園

四行在還珠洞三字之下左行字徑

許寸

古碑神奇永符識履品俯馮夷坐石存精祿拂
劍逼珠光乘槎掉柯枋風清明月懷雲隱高山興四行在乘
興之下字
徑寸許

右刻無年月亦未刻也即附曾詩之後

朱景行題名

高尺三寸廣凡四寸四行
字不一字徑二寸餘正書

眉山朱景行以咸淳戊辰十二月三日登舟于此

碧落洞題刻廿二段

在英德

廣帥程師孟等題名

高三尺廣一尺八寸五分五
行行十字字徑三寸許正書

熙甯乙卯五月十日廣帥諫議大夫程公代還同郡守
王僧彥遊公之子德叟義叟純叟侍行韶州司理叟軍

吳純貺謹題

廣帥程公者師孟也

轉運副使向宗旦詩

高一尺九寸廣二尺七寸十二行九字字徑一寸五分許正

書

權轉運副使向宗旦被詔還

闕過碧落洞觀元伯兄

留題悵然久之兼成拙詩以紀勝槩

洞府穹隆罩碧

津雲扃岫幌謝躡塵泉聲激激撞群玉乳溜垂垂挂萬

巾絕景多藏窮僻處勝遊少有放閑人剥苔洗壁尋遺

刻惆悵

難兄筆尙新

元豐己未歲二

月二日

已未爲元豐二年元伯兄者當是向宗道也宗旦
河內人宣奉郎守太常博士知縣事兵馬都監及
管河塘溝洫公事治平二年建順民倉

轉運判官徐九思等題名

高二尺二寸廣一尺六寸
四行行八字末行九字字

徑二寸三
分正書

廣東轉運判官朝請大夫徐九思知英州朝散大夫梁
立則元豐四年七月十二日游

徐九思字公謹崇安人登進士調蘄水尉知雙流
宣州南陵三縣入判三司坐忤時相通判廣州神
宗召對面賜褒諭有老成練事之稱王安石以其

譏議新法坐廢十餘年元祐初名爲江淮等路發
運副使致仕著有新豐集梁立則熙甯中知新州
興脩水利

王中等餞介夫題記
高一尺二寸五分廣一尺五寸
八行行八字字徑一寸五分正書

介夫東歸王中時遭馮晦處道朱揭公表張乂才翁朱
擴子充區適之道陳章公質李璟公特王冕儀仲李恬
和仲馮齊參祖孝飲餞于此元祐丙寅五月中沐鄭俠
題

寶文閣待制蔣之奇題名
高二尺六寸五分廣一尺
六寸五分四行行十二字

字徑一寸五
分許正書

寶文閣侍 制蔣之奇罷帥廣州移領六路制置發運
使携家來遊真陽碧落洞遂宿奉先寺元祐四年五月
廿二日

知循州廖君玉詩

高一尺六寸廣三尺詩七行行八
字字徑一寸七分前後七行行字

大小不一
均正書

留題

碧落洞

朝請郎新知循州廖君玉上

一洞清虛鎖茂林我來尋訪嘆何深遊人刻石有興廢

流水穿崑無古今嶺上煙雲常帶雨路傍松桂自成陰
到難未得言歸去且對金罍滿滿斟

時元祐己巳孟冬二十五日挈家遊此偶書男天倪
天況侍行

內侍張景賢題名高一尺三寸廣一尺四行行五字字徑一寸六分正書

內侍張景賢部兵廻來遊元祐壬申上元前五日題

轉運判官時孝孫詩高二尺九寸廣三尺四寸詩四行行九字字徑二寸五分前後

五行行七字唯末行多一字正書

安陸時孝孫自廣東轉運判官□代北歸挈家□

碧落洞因留一絕

昔經龍洞看飛泉

在二泉縣

正練穿巖落半天今日挈家來

碧落蕭然秋色滿晴川

男詵侍行時元祐八年八月初六日也

真陽太守方希覺等題名

高一尺三寸廣三尺九寸
廿六行行九十字字徑寸許

正書

真陽太守方公民先政成暇日行野觀稼與廬陵董粹
承君臨慶梁迴光遠臨川洪敏脩時中清溪李脩季長
席碧落洞以飲清初暑也放吟嘯歌幽響如荅仰挹乳
溜披鮮讀故篆窺清淺之潛泳聽蔭翳之飛鳴溪聲玲
瓏湍激座隅時叩石鼓環山皆蓬蓬乃知人境外樂山

樂岳非絃匏也已而薄晚醉相與還而實有悵然者曰
屈指日十數公將北轅盍識茲會少慰吾黨別後思也
粹於是著觀游之勝而脩書之于崖陰而刻焉紹聖三
年四月十三日也異時公廉部專帥挂節南下定艤舟
近尋觀前題而解顏歲月未幾恍若前日事而舊與遊
者尙能如今日復有從公游者否公世家莆田希覺名
也

岳字添注於旁

知軍州譚粹詩

高二尺廣三尺十四行行十字字
徑一寸五分第四行較小正書

建中靖國辛巳八月十日獨遊碧落洞遂成拙句

朝散大夫知軍州事譚粹

碧落嵯峨石室幽到難□我未嘗遊兩崖卷束雲華滿
一水通流秋色浮宛矣壺天延日馭凝然乳竇滴泉旒
徘徊注目孱顏久疑有真仙在上頭

望山亭成再書一絕

一亭新構聳崔嵬水墨屏圖四面開洞口白雲無鎖鑰
□人尋勝任頻來

朱矩等餞馮齊參題記

高一尺六寸四分廣二尺五寸七行行六字字徑二寸三

分正書

真陽馮齊參祖仁被命赴柳城教官朱矩方并李敦
宣道利仲平君倚餞送于此崇甯二年五月二十五日
題

馮齊參前題字祖孝此題祖仁爲異利姓出楚公
子食采于利因以爲氏又叱利氏改爲利氏萬姓
統譜載宋利申字仲通大庾人有廣陵集利澤星
子人政和進士利鑄韶州人嘉熙進士利粲英州
人登科知利姓於粵東爲多

吳可等題名

高二尺廣一尺四寸四行行
七字字徑二寸四分正書

大觀己丑仲夏臨川吳可邀鄉人王綱筠陽李報上報

君來遊希芾侍行

方會等題名

高一尺三寸三分廣一尺九寸
六行行四字字徑二寸許正書

方會自南海移稽山郡守李丹同遊碧落洞大觀己丑

仲秋朔

鄧柔克題榜

高六尺八寸廣三尺一行三字字徑二
尺許左右題款各一行字徑二寸許均

正書

碧落洞

建炎二年戊申七月十二日始興鄧柔克書

朝奉大夫權知英州軍州事陳東□開

輿地碑目載潘侍碧落洞三字八分書今未之見

侍疑時之誤此刻未見箸錄

轉運判官范正國題記

高二尺三寸廣三尺一寸六分
行行八字字徑二寸五分正

書

轉運判官范正國巡按北

直方赴召度額

聯舟經碧落洞歷覽勝槩紹興甲寅仲春廿三日也

袁復一題名

高一尺四寸五分廣一尺一寸五分
五行行七字字徑一寸五分正書

毗陵袁復一解官船司檣舟來遊紹興乙丑四月七日

男嘉猷嘉瑞嘉績姪嘉德孫珪侍

郭正仲題名

高一尺六分廣一尺四寸六分
行行六字字徑一寸許正書

臨江郭正仲假守是邦因假日出遊鄉人董良佐偕來

男綸縝紳經侍行紹興庚午立冬日題

趙德夫題名

高二尺一寸廣九寸七分下斜缺上方存四行行存二字字長徑二寸五分篆

書下方存二行行七字
字徑一寸五分正書

缺
運使

缺

中大

缺

趙公

缺

遊碧

缺

趙德夫行部經由縱觀久之紹興□

缺

篆書遊字中作才旁大謬不知何人所題按金石錄後序趙德甫於建炎戊申知建康府已酉三月罷五月至池陽被旨知湖州六月就道冒大暑感疾至行在病店八月不起是德甫之歿在紹興未改以前亦且未嘗爲廣東運使此題之趙德夫蓋

別一人而非明誠也紹興下所缺似是甲字

李華詩

高二尺二寸五分廣一尺七寸五分詩四行七字字徑二寸三四分款二行行九字六

字字徑一寸六分正書

乳床竒詭鑑清漣碧落真人古洞天十載南遊纔一到
不妨重補到難篇
建安李華以戊寅入嶺丁亥上元
來遊

廣東金石略云李華嘉定閒人然則此丁亥爲寶
慶三年也按連州楞伽峽石壁字亦李華所題時
爲嘉泰二年在戊寅前十六年則與戊寅入嶺語
不相符合

夏子昂等勸農題記

高二尺二寸四分廣三尺三寸六分九行行五字末行多一字

字徑三寸餘正書四周有花紋

東萊夏子昂禹之同建安章一得伯愚玉牒趙時迂衡甫三山林震龍驤卿勸農于碧落洞時紹定庚寅二月十五日也

此石行閒隱隱有字蹟蓋磨舊刻而爲之者曼威殆盡不能成讀弟一行存先基酌三字先上似奉次行存翫不世三字世字不缺筆非唐刻也三行存也干二字四行存一林字五行存此人何清四字清下似談六行存畢者洞天四字七行存一之

字之下似間八行無存九行存異時重到之五字
十行存事明二字十一行存者劉二字劉下似朴
十二行存昌李明郡陽造六字餘不可辨

到難二字

高四尺廣二尺字徑一尺四寸許神書

到難

真境二字

高四尺廣二尺字徑一尺五寸許神書

真境

此二刻似出一人手筆或一種分拓兩紙也無年
月亦無書人姓名附錄之

靈泉院順德夫人勅

高一尺廣二尺九寸勅十四行行十二至十四字字
徑五分餘廿六行行字大小均不一並正書在博山

勅淄州孝婦顏文姜

朕躬執珪幣郊見

上帝顙爲萬民蒙嘉氣獲美祥既又詔天下凡山林川
谷之神能出雲雨殖財用有功烈於民而爵號未稱者
皆以名聞將徧加禮命以褒顯之如此非特以爲報也
蓋聖王制祀所當然也惟神聰明正直庇于一方供民
之求如應影響守臣列上朕甚嘉焉疏錫寵名以昭靈
應且俾民奉事不懈益

□□特封□□夫人仍賜靈泉

□爲額

熙寧八年六月 日

中書令 闕

中書侍郎 闕

右書知制誥臣鄧潤甫 宣奉行

奉

勅如右牒到奉行

熙寧八年六月 日

侍中使

門下侍郎 闕

給事中使

六月二十五日未時都事丁昭嗣

左司郎中

付吏部

左僕

□

闕

右僕射

闕

吏部尙書

在中書

起居舍人直集賢院判史館兼權判

衡

尙書工部郎中充祕閣

□

□

直舍人院兼

□

□

起居注權同判

藻

吏部侍郎

闕

吏部侍郎 在中書

左丞 闕

告淄州靈泉廟順

德夫人奉

勅如右符到奉行

主事 闕

令史梁 中立

書令史唐師孟

光祿寺丞充館閣校勘判

宗古

此行在令史上方

熙寧八年六月 日下

右碑三十九行文後所列諸銜多闕姓名惟末署令

史梁中立書令史唐師孟二人名尙存

山左金石志

崇勝寺浴鍋款

圖廣未攷題款廿九字字徑寸餘正書反文在巴陵君山

熙甯八年乙卯歲君山浴鍋壹口叁百斤住持傳法沙門顯昇誌匠人丁贊

右崇勝寺浴鍋款在巴陵君山鍋在寺內廚下半
歿於土中張松坪太守過而見之拓以遺余

蘇軾雪夜書北臺壁詩

高一尺廣一尺九寸十四行行九字左十一字不等字徑五分餘行盡

雪夜書北臺壁 二首

黃昏猶作雨纖纖、夜靜無風勢轉嚴。但覺衾裯如澠水，
不知庭院已堆鹽。五更曉色來書幌，半夜寒聲落畫簷。
試掃北臺看馬耳，未隨埋沒有雙尖。

城頭初日始翻鴉，陌上青泥已沒車。凍合玉樓寒起粟，
光搖銀海眩生花。遺蝗入地應千尺，宿麥連雲有幾家。
老病自嗟詩力退，□吟冰柱憶劉叉。

熙寧九年二月二十一日眉山蘇軾

石角山題刻四段 在零陵

和柳應辰詩

高二尺四寸廣二尺詩五行行十五字前後五行行字不等字徑一寸二三

正書

上中奉和

通判明明

缺下

此行全勅

山幾重與

空下

望意無窮當時其指白外今日行青嶂中案

牘懸休聊自適監與乘興若爲同九疑秋約心先到巖

班桂子紅

明日同望之山正經之也

尚書職方外郎通判軍州事柳應辰上石

時皇宋熙甯丙辰仲秋下澣日也

右詩刻殘泐不知何人所作首行中上所缺以意審之似是零陵道三字第三行所缺當是和詩人姓名石既磨泐拓亦不精惜哉

柳應辰等題名

高二尺五寸廣九寸存三行行十字字徑二寸許正書

前缺

□□□□通判柳明明判官沈子瞻同遊石角亭又

東遊至此愛其清曠之景

下缺

右刻殘缺通土似是歸字神宗朝與柳應辰同時而任判官者志不載一人沈子瞻不知何名

項衡等題名

高二尺四寸廣一尺八寸九行行十字字徑一寸五分正書

石角亭在零陵郡城之東五里唐柳子厚之所命名也

元豐戊午中春戊辰尚書郎知州事廬陵項衡□甫率
尚書外郎通判州事保定王承暉繼先尚書外郎松陵
丁餽伯才郡從事湘東黃鎮公望相與游其上適意終
日遂書于石

右項衡等題名通志職官神宗朝有項魏知道州
疑卽此項衡之誤王承暉省府志俱以爲推官得
此足正其謫并以補其里貫黃鎮衡陽人通志以
爲推官永志據熙寧十年澹岩趙揚題名改作判
官而此刻又題郡從事殆其時兼攝參軍歟抑前
以參軍權代判官歟丁餽名不見於志當亦是永

郡官屬故介於通判從事之間其爲判官與推官則不得而知矣戊午爲元豐元年

邢恕小隱洞記

高二尺四寸廣一尺四寸五分十行行十七字字徑寸許正書時帶行筆

予責官零陵歲餘不知有所謂石角者一日臨川劉蒙資明方守郡約倅靜海阮之武子文與予偕遊旣至未甚奇之問其所以得名蓋自唐柳子厚始竊怪何以得此於子厚也已而搜索厯覽洞穴陰邃石立叢攢曾未咫尺忽與塵隔爽然清冷醒入毛骨相與睠焉有不忍去之意然後知前所以怪者爲非是而昔人所以有取焉者爲不誣也洞昔未名因名之曰小隱云時宋元祐

八年癸酉十月十七日辛酉原武邢恕和叔題

右邢恕題記完好無一字剝蝕蓋從未經椎搗者
永志名勝云山有洞曰小隱極深邃讀此記知小
隱之名始於邢恕亦志乘所宜增纂也

石角山在縣東北五里許石上多宋人題識

湖南通志零

陵縣志

縣東北十里有石角山山有洞曰小隱極深邃柳宗
元有遊石角過小嶺至長烏邨詩今邨名尙未改也
舊多宋人題識皆失傳

永州府志名勝

右石角山題刻前人未見已已夏余始屬譚仲維

搜得之宗滌樓在永日久其輯永志時廣搜石刻而於距城不遠之區卒未過訪可訝也余乃得未曾有爲之色喜然恐尙有遺者顯晦固有時邪案湖南通志石角山在零陵東北十里山有小洞極深邃一統志連屬十餘小石峰奇峭如畫明統志邢恕記所謂洞穴陰邃石立叢攢者此也石角亭志所失載宜補之餘詳各段後

种放會真詩題後世二則

二石並高一尺七寸五分廣二尺四寸五分書體行字不一均詳各段在秦安岱廟環咏亭壁間

曼卿秘演觀

寶元三年正月廿五日

題名二行字徑二寸五分許年

月二行在下方字徑六分內正書高廣不計下同

又上方兩行中間有海岳黃有觀五字頗似宋刻

慶祿二年正月四日武功蘇子美觀

二行字徑寸許年

在秘演

斯書冠世入妙千古亡對所謂盡善盡美邪慶祿六年

四月廿七日越題

四行字徑寸許艸書

皇祐元年夏王洙觀

二行字徑一寸四分許飛白書在前刻下

筆力勁健彩華無匹皇祐甲午季春

分三行字徑入

字爲名印所掩印文是口高之口四字在前刻

之左其下有古杭李口閣五字乃近人所題

嘉祐五年三月四日莆田蔡襄閱

二行字徑八分正書

襄復觀

字徑三寸七分許

飛白書在前刻下

胡宗回觀子義修

□字徑七分正書在
第一石首行上列

翰林學士李宗諤曾看

字徑六分書
在前刻下列

予向游西洛訪號崇真張太師

白

於崇陽山齋愛其幽

宗款留數日因語及予有泰山之遊遂出种明逸題會

真詩筆一軸授予

□隱君昔書此詩留吾山齋予其因

往可爲模石于泰山乎嘗然其請後到絳數載慵於登

涉未能副深託之意且會真在 皇上未封祀前有太

平之號至回蹕始貺今額而隱君之詩周旋氣槩分明

物象蓋嘗陪于此得其詳矣觀其筆勢壯重辭意脫灑

寔一代無擬倫耳紙尾復數君題名又可尙也它日模

刻翠珉當藏真館爲天下之觀邪稷山逸民韓退題後

十一行行十六至廿字不等字徑八分許行書

李孝昌伯衍觀

字徑八分行書在前刻未行之下

集賢校理宋綬覽

字徑一寸三分許行書在前刻左曼卿題字之右

邵餽屢觀

字徑一寸三分分書

唐異

字徑一寸五分許行書此兩刻在曼卿題字之下

權監東嶽廟濟人程正觀

字徑八分艸書在秘演觀三字左

覽

大諫詩筆因題絕句

魏閑

文如吐鳳筆如龍珍重華林墨尙濃清氣已銷名迹在

世間誰復繼仙翁

草堂東牖題

四行字徑寸許艸書在前刻左

高平范仲淹題

字徑七分正書
在前刻左上列

開詠清風樓覽

字徑七分行書
在前刻下列

筆勢精麗真墨寶也殊可愛、才翁書

三行字徑一寸
三四分艸書在

蔡襄題字
右上方

永豐歐陽脩

字徑六分正書在
前刻下方之左

程戡識

字徑七分正書

沈遘文通觀

字徑六分正書

萊人藍田王父

字徑八分正書上三刻在蔡襄題字之
左上方沈遘前有平度李寧詩五字亦

似宋
刻

宛陵梅堯臣覽

字徑八分正書

韓琦觀

字徑九分正書在前刻下

吳郡張伯玉恭覽

字徑一寸許行書上三刻在蔡襄題字之左下

廣淵嘗看

字徑二寸七分正書在前刻左

不疑觀

字長徑三寸六分篆書在前刻左上方

無爲楊傑觀

字徑一寸許分書在前刻下

明逸先生詩筆□進士譚逵家藏出示予作詩題其後

大梁皇甫邁

先生清氣已朝元流落精英萬古尊習々仙風人不覺

瑤華瓊草本無根

字徑一寸許行書前二行較小在譚逵敘右

熙甯辛亥春蹊游長

安

謁李先生不

緒

曰與蹊論書遂

出大諫紳先生紀泰山會真詩墨蹟一軸俾蒙閣之卷

後有鉅卿顯人親題之蹟復爲畱詩甚眾愛其筆勢真

道麗懇借臨模藏□□□欲鑿金石流置四方忽

、莫能如吾意丙辰季侍家君官邑之權道□過官竊

覽梁壁間獨無此詩曰語主宮王君希顯且先生

盛德與大名猶□星之煥太清而爛然國史暴聞於天

下者久矣固不復言也其詞翰雄逸世未多有人或罕

見慮其□本歲久湮滅茲可惜我日願刻石以信永□

傳於不磨也□其爲模勒毋辭因有其請未涉月而工

告畢卽龕於齋廳之西壁益見先生樂推君美而難乎

主宮之勤顯其賢也如是讀其詩則其人之所存可知
耳十年歲丁巳月丙午日壬戌廩延譚述叙 龐綬之

刊

九行行廿八至世二字不等字
徑六分許正書在第二石之末

徐端□孫儻王仲京伏覽元符庚辰重陽日

一行字徑
六分在前

刻之右此立
石後所續刻

右會真宮詩題跋詩爲神明逸所作題於後者二十
餘人或真或行或篆或隸或飛白胡宗回李宗諤宋
綬韓退李孝昌邵餗唐異蘇子美魏閑范仲淹王洙
歐陽修蔡襄程戡梅堯臣韓琦沈邁張伯玉楊傑皇
甫邁皆當時鉅公其云越者周越也曼卿者石延年

也祕演則曼卿之友而僧者也才翁者蘇舜元也不
疑者邵必也廣淵者王廣淵也熙甯丁巳譚述敘而
刊諸石今种書已亡惟題跋二石尙存李南澗云石
舊在泰安之會真宮今移東嶽廟環詠亭壁閒舊研
堂金

石文
跋尾

八瓊室金石補正卷一百四終